



BASES NOVAS ACTIVIDADES CULTURAIS E DEPORTIVAS VERÁN 2023

1. **Prazo de presentación de solicitudes:** do 22 ao 28 de xuño de 2023.

2. **Horarios e formas de presentación de solicitudes:**

No seguinte formulario on line, nas que se enviará confirmación da solicitude vía e-mail: [FORMULARIO DE INSCRIPCIÓN](#)

3. **Preferencia de participación.** Nestas actividades terán preferencia:

Primeiro: orde estrito de inscrición tendo preferencia as persoas empadroadas neste concello.

Segundo: persoas que poidan demostrar convivencia con persoas empadroadas neste concello ou que pasen as vacacións en verán no Concello de Bergondo na súa segunda residencia sita Concello de Bergondo. Nestes casos deberán realizar unha declaración xurada desta situación, a cal poderá ser comprobada dende o Concello de Bergondo.

4. **Prazo de pago das actividades:** do 4 ao 7 de xullo. Se rematado este prazo, as persoas admitidas non realizan a inscrición, serán substituídas polas que figuran na lista de reserva.

5. **Reducións de cotas**

a) 50% para familias numerosas.

b) 50% para persoas inscritas no Programa de Voluntariado dos Servizos Sociais Municipais.

c) 50% ou 100% da cota, a aquelas persoas que se consideren desfavorecidos, previo informe da Área de Benestar Social.

d) 50% para as persoas que acrediten debidamente figurar nos rexistros do paro, ou ben no caso de menores de idade cando ambos proxenitores ou titor do participante o acrediten. Para acreditar a dita situación, deberase entregar xunto coa solicitude un xustificante da oficina do INEM, cuxa data coincida co período de preinscrición.

Nos casos en que as persoas teñan dereito á redución de cota, deberán achegar o xustificante correspondente no momento da inscrición.

6. O Concello de Bergondo resérvase o dereito de efectuar as modificacións nas instalacións, horarios, profesorado, de facer reagrupamentos, etc que se consideren necesarias; ou anular algunha actividade, por motivos organizativos.

7. As persoas ou representantes que participan ou realizan as solicitudes nas actividades culturais e deportivas Verán 2023:

- Declaran coñecer e aceptar as bases que rexen esta convocatoria.
- Fan constar que o/a inscrito/a non padece enfermidade que os incapacite para a práctica deportiva, tendo feito o oportuno recoñecemento médico.
- Autorizan a ceder os datos persoais da solicitude á empresa que impartirá as actividades.
- Autorizan a utilizar as fotos tomadas nas actividades para a realización de memorias, publicidade, páxina web, medios de comunicación, folletos, etc
- De conformidade co establecido polo Regulamento (UE) 2016/679 do Parlamento Europeo e a Lei orgánica 3/2018, do 5 de decembro, de protección de datos persoais e garantía dos dereitos dixitais (LOPDGDD), infórmase que os datos de carácter persoal facilitados a través do presente formulario, así como a documentación achegada, serán incorporados ao correspondente rexistro de actividades de tratamento do departamento de CULTURA E DEPORTES á cal vaia dirixida a presente solicitude e cuxa finalidade é a xestión da convocatoria pública de subvencións municipais a deportistas individuais do Concello de Bergondo. Os datos serán tratados de maneira confidencial e só serán cedidos a outras entidades cando se cumpran as esixencias establecidas na lexislación vixente de protección de datos e para completar co fin para o que estes datos foron recabados. Non serán obxecto de transferencias internacionais. A presente instancia fundamenta o tratamento dos datos contidos nela, no art.6.1 e) do RXPD: "en cumprimento de misión realizada en interese público ou exercicio de poderes públicos" conferidos a este concello e, os datos persoais que nos proporciona mediante este documento, conservaranse durante o prazo necesario para o cumprimento das obrigacións legais que deriven do mesmo. As persoas interesadas, debidamente acreditadas, poderán exercitar os dereitos de acceso, rectificación, supresión e oposición, limitación do tratamento, portabilidade e dereito a non ser obxecto de decisións automatizadas nos termos previstos na precitada Lei, mediante comunicación escrita dirixida ao responsable do tratamento, o Concello de Bergondo, con CIF P1500800F, e dirección en Estrada A Coruña 12, 15165 Bergondo (A Coruña). Pode obter información máis detallada sobre o tratamento dos seus datos persoais a través do correo dpd@bergondo.gal ou consultando a política de privacidade na páxina web do concello <http://bergondo.gal/menu-pie/politica-de-privacidad/>.